

青囊瑣探目錄

上卷

碑醫	一	口中糜爛藥	八
看書二途	一	雞眼風妙方	八
特不執古方	一	參附硝黃	九
貴著書	二	卒中風妙藥	九
真醫	三	麻沸湯	九
弟子問	三	禱瘡方	〇
扁倉仲景	三	病人死候	〇
諸侯病難治有十三	四	數脈惡候	〇
解毒奇方	五	皮膚之寬緊	〇
槐花解河豚毒	五	無名腫毒妙方	〇
細心膽大	六	陶器醫	一
人參生薑	六	片倉家言	一
上總州舌疳藥	六	藥爲病役	一
不見前醫發劑	七	辟蚊蟲	一
野葛救饑人	七	金箔	一
茯苓飲壯元陽	八	糯米噎塞	二
		肉脫死候	三

灸女室	一三	大鱧鱖	一九
腎囊濕潤	一三	陰癰奇方	二〇
心隔痞塞	一三	麻疹預防	二〇
枇杷葉祛痰	一四	鬼哭灸	二〇
鼻衄妙藥	一四	小山氏之母奇疾	二一
蘭草	一四	呼吸短促	二一
甘草	一五	前難難值	二二
小兒白禿瘡	一五	不輕改字	二三
鴨跖草	一五	樟	二三
鄙人治久嗽	一五	鯽風畏藥	二四
失精有熱症	一六	萬病回生丹	二四
入浴昏倒	一六	狐臭妙方	二四
治煙草毒	一七	粒甲丹	二五
癰疽妙方	一七	痘瘡序熱發搐	二六
四目	一七	眼珠出入	二六
死生難決	一八	取癰妙法	二七
池田痘疹書	一八	下卷	
不貴美與雅	一九	痘瘡倒靨及痘後內障奇方	二九
秘方宜廣傳	一九	治疣神方	三〇

凍瘡妙方	三二	上衝	眩暈	眼耳口舌	四三
取雞眼子妙術	三一	五痘			四三
知足齋德本十九方引	三二	疝氣惡寒	厥冷	腹痛	大便閉結
表證發熱惡風	上衝自汗	項強咽痛	寒熱往來		
喘急無汗	惡寒身疼	欬嗽咽痛	乾嘔拘急		
裏證潮熱發門	黑胎瘰癧	發熱無寒	胸腹滿痛		
下利臭穢	大渴煩燥	自汗惡熱			
痰證喘鳴咳嗽	齧飲舉痛	頭眩欬逆			
心痛胸痹	結胸	腹脹			
食毒指食	吞酸	酒毒			
嘔吐反胃					
噦噎					
痢病泄瀉					
痔疾脫肛					
瘰癧					
瘡疾					
霍亂					
虛煩煩躁					
五癰大聚					
中風	風痺	風濕	痛風		
產前後	經閉	血塊	半產	漏下痛	
衄血	吐血	男女諸血症			
小兒五癰	驚風				
癰癧					
瘡毒家					
發狂					
痘瘡	瘰癧				
眼疾					
梅瘡餘毒攻眼					
濁醫治烏睛生白星					
風眼經驗方					
痘毒入眼					

眼胞痰核	五三
微瘡經驗治方	五四
製生乳簡便法	五八
諸家經驗方	五九
底野迦真方	六二
亞爾卑的栗亞加方	六四
舌瘡妙方	六四
骨腰	六五
下血塊妙方	六五
金瘡鐵屑散	六五
治癰瘡神效方	六六
諸病蒸洗經驗秘方	六六
治瘰癧妙方	六八
牙齒疼痛	六八

青囊瑣探上卷

相州片倉元周深甫著

肥前橫尾斐君章 門人播磨西村翰羽王

全校

碑醫

余自少小好醫方。每見長者。必問其道。有一宿老曰。吾子能奮勉。勿爲碑醫。余俛思久之。不得其解。乃叩碑醫義。曰。建業以還。百有餘年。四海寧謐。誠是學者成。不朽業之秋也。而醫人之多。國初以來。未有若今日也。然率皆競馳勢利。雖至皓首無一葉書著述。死而遺者。僅墓上一片石而已。故我謂之碑醫矣。嗟宿老言。可謂使人發憤激也。

看書二途

余每觀世醫之讀書者。蓋有二途焉。好學問而深於治療者。先熟讀其論。然後及藥方。不好學問。而但聚奇方妙藥爲治療者。不讀其論。而先閱藥方矣。吾惡其先藥方者。

特不執古方

自仁齋祖徠二先生唱復古學。醫家亦效顰。動稱復古。迺以素難爲後人之僞作而排之。特講究仲景氏之書者數家。其功亦偉矣。然至其甚。則使

子弟輩禁觸目於晉唐而還之醫籍。乃言傷寒論湯方足治萬病。奚用多之爲。觀其識見。則雖愉快。至治衆病。則不能免牽強附會矣。蓋因其人立一家法。雖有奇病異疾。取用後世之方。專執古方。而誤人命者。亦不爲鮮。豈仁人之意也哉。夫天下事。有古人未明而後人詳之者。譬如日食。秦漢以前皆莫能先知。故春秋書日食三十有六。記異以警人君也。後世巧曆家推測殆盡。上下千百年。皆可坐致。豈古之皆是而後之皆非邪。而況在醫家。亦後世之論。勝古昔之說。古昔無有之病。後世偶起。而人論定於後。而功於世者。不爲少乎。故獨執古方者。我未敢信也。

貴著書

神祖奠鼎之後。昇平日久。名于醫者。不乏矣。京師有奈古屋丹。水後藤良山香川秀菴。吉益東洞等諸傑。而各倡一家學。其名震海內。雖互有得失。亦可謂勤矣。而東都醫者。起家世祿者。不暇枚舉。然學術兼備。立一家言。著書以垂後世者。寥寥乎何也。蓋東都則上而大君在焉。次而諸侯在焉。是以醫氏偶治。權家病取效。則名聲聞於諸侯間。或爲官醫。或爲列國醫官。遂擅權怙勢。泰然安其祿。是以諸醫家每黷篆之。率皆青雲志汲汲。而不朽業疎疎焉。夫世祿則至子孫或有失。著書則千歲不朽。學醫者於斯二者間。不可不深察也。

真醫

醫不讀書，則不能治疾。不治疾，則不能解書。能兼斯二者，然後始可謂真醫者也。若夫謂雖不讀書能治人疾者，不敢謂然也。

弟子問

弟子輩問曰：何如可得醫學成也？予曰：汝等有色慾情邪？皆莞爾笑不答。予曰：汝等欲珍膳美味歟？皆曰然。夫男子及長也，見佳冶窈窕之美，則心魂飛揚，爲宋華父督見孔父妻于路之態。又東隣處女挑之，或游里媚妓，似有情，則戀戀之心，往來于胸中，雖寢食間不能忘焉。此少年之常情也。若溺之者，至于學不成而遂亡身失家矣。子夏曰：賢賢易色，豈非戒之乎？又於珍膳美味，亦人情所自嗜，是以丹溪特作飲食箴，故取好斯二者之心，以用之醫學，則曷得不成名於一世哉？其用心如此，而生涯不能成者，守汝至愚，而安其分而已。

扁倉仲景

余讀史記扁倉傳，二公之指死生，如懸鏡觀之，實可謂神於醫者。然其法其方皆不傳，則雖稱神無一益於後學。雖然見採于良史，名冠於方技中。若夫徵太史其名必湮沒矣。夫仲景纂集古之錫液論，以著傷寒論，傳之萬世，百代之下，賴是免夭橫者，無有涯極。雖然范曄不收于史，其傳皆出

於後人。嗚呼。爲良史所採。而名冠於方技者。與不見收於史。而其書功於萬世者。其德澤之優劣何如乎。

諸侯病難治有十三

諸侯之病。難爲治療者。有十又三焉。漢郭玉對和帝曰。貴者處尊高。以臨醫。醫懷怖懼。以承之。其爲療有四難焉。自用意而不任醫。一難也。將身不謹。二難也。骨節不強。不能使藥。三難也。好逸惡勞。四難也。予續之曰。醫既到。則於客次移時。延患者室中甚遲。是以有識者。惡其簡慢。一也。醫診脈訖。則速自房內出。是以不能詳音聲氣息動靜。二也。侍醫數輩應對問治劑。不愜其意。則竊拒之。三也。畏峻藥而好補劑。是以雖有實候。不能施巴豆硝黃之類。四也。不自言其所苦之證候。而使侍臣言之。是以動輒不能悉其患狀。五也。內醫之得寵者。慮他人若奏效。則我寵之。或衰。乃嫉有識者。而竊掣其肘。六也。病稍重。則保護慎重之弊。延醫甚多。或日至十餘人。其看脈按腹握手足。無有間斷。不知過保惜。而反患者致疲勞。七也。又方夫人有疾。按察腹部。則必隔繒一層而視之。是以不能詳皮膚之潤澤枯燥入也。又至其甚。則不露全軀。自簾內出手令視脈。是以不能詳眼中面色舌候。九也。凡此類。可謂不解事之甚也。夫召醫者。爲蠲疾苦也。假令高貴人若臥病中。則宜尊重醫。若夫以無爵位輕視。而自不言所苦。或夫人

以男女有禮。不令觸手於腹部等事。非託病之本意。醫亦對貴人勿恐懼。恐懼則智不能振。智不能振。則往往鮮有奇中。又診富人勿有諛心。有諛心則心暗。而失醫之本旨矣。

解毒奇方

高濂靈秘丹藥。載解中諸物毒方。用白礬一錢。細茶一錢。井花水調服。以吐出爲妙。余近讀王楙秋燈叢話。曰。萊郡劉某。遇僧授海上方。多效。其解砒毒尤爲神驗。戚某屢求不與。啣之。乃置酒延劉。食畢。扃其戶。謂曰。爾已中砒毒矣。速語我方。爲爾療。劉不信。頃覺腹中滾動。乃曰。何惡作劇如是。可疾取白礬三錢來。戚如言取至。調水飲之。立解。因惡其吝也。榜其方於通衢。元周按嚴氏濟生方。治中諸毒。用晉礬建茶。瑞竹堂方。療蛇蠱諸毒。用白礬甘草。則礬石之解中毒。冠于諸藥者。可以知矣。頃讀陳明善洗冤錄。曰。泉州一僧能治金蠶蠱毒。如中毒者。先以白礬末令嘗不銜。覺味甘。次食黑豆不醒。乃中毒也。卽濃煎石榴皮根飲之下。卽吐出蟲皆活。無不愈者。

槐花解河豚毒

治中河豚毒者。煮魚剉水煎服。或將白礬末冷水調服。或飲穢物之類。人所皆知也。昨閱輟耕錄。曰。凡食河豚者。一日內不可服湯藥。恐有荊芥。蓋

此物大相反。亦惡烏頭附子之屬。世傳中其毒者。亟飲穢物乃解。否則必亡。又聞不必用此。以龍腦浸水。或寶丹。或橄欖。皆可解。後得一方。用槐花微炒與乾燕支各等分。同搗粉水調灌。大妙。余雖未試。記以具遺忘。

細心膽大

醫之臨疾病處湯方。非細心而膽大。則不能治危險證也。

人參生薑

凡物價貴則人重之。價賤則輕之。世人當有病用人參。則秤之而正其毫釐者甚嚴也。而至用生薑幾片。則委奴婢手。不敢顧焉。假令其用一片。薑有乾潤。切有厚薄。而輕重每不等也。嘗閱奇效醫述曰。生薑三片爲引。約重二錢云云。然則一片重大六分六釐餘也。若夫使生薑價如人參甚貴。則世人必可正其權衡矣。噫。臨病立湯方。猶向師立陣法。雖生薑有時爲將。雖人參有時爲卒。豈可以價賤常多輕視之乎。世醫亦恬然以此任病家。可以發一笑也。

上總州舌疳藥

余童年在藍溪先生塾中時。竊思吾長而爲人治疾。小恙則嵌甲。鵝眼。黑痣。雞眼子等。大患則傷寒。脚氣。痢疾之類。莫論而已。其他至于癩疾。癰瘤。鼓脹。偏枯。勞瘵。肺癰。舌疳。乳癌等之古今所難治者。亦欲得奇方妙藥以

盡治之是以求諸百家書籍。或問諸友朋。後游城攝探名家秘方。試之。今且二十餘年。經驗不可枚舉也。然至于鼓脹。偏枯。勞瘵。肺癰。乳癌。舌疳。呼曰舌瘡。則取效僅僅無幾。常以此爲憾焉。嗚呼。此數證素係廢疾者歟。曩橋本四郎左者抱病與吉田道見俱自上總州九十九里來。就余求治。渠云。隣邨有一老醫。妙起舌疳。然祕惜其方。不敢傳人。余頃請賴二子以重利傳其方。未落我手中。近吉田道見得此方來傳之。因錄後卷宜以參看。

不見前醫發劑

凡有病之家。延醫服藥數日。猶未見效。則信疑相半。遂又召他醫。出前醫之發劑以問可否。予每臨如此。則不見其劑。夫人心不同如其面。有誰與我意符合者乎。若見其藥。我以爲不可也。豈可默止乎。若吞之而爲可。則失信於患者也。且以彼之所是。我非之。則恐爲妬婦之口。此余所以不見前醫之發劑也。若病家篤信余懇請治無二心。則披見前醫之措劑。識得其攻補奈何。然後與藥矣。吁。以辯口術術之醫。自我乞覽前劑。漫謗其欠當。以欲奪人功。假令其術不拙。殆可謂小人也。

野葛救饑人

吉益爲則發補虛論。唱萬病一毒說。而一槩用攻擊之劑。以樹立門戶。積年痼疾。胃氣未衰者。用峻藥往往取奇效。於是一時游其門者頗多矣。而

其徒既學之。迺伯試之於衆病。亦不免野葛救饑人也。

扶苓飲壯元湯

外臺祕要扶苓飲。赤水玄珠壯原湯。天下醫無不口之者。而親讀其書者。稀矣。雖知傷寒論爲法方之鼻祖。研究之者。十之一二耳。

口中糜爛藥

寬政辛亥三月晦。余夢中得口中糜爛百藥不能療之妙方。覺而援筆錄之。其方大黃。黃連。麵粉。各等分。

右三味入絹袋。熱湯浸。頻頻含漱。即愈。姑記之以廣同學。

鵝眼風妙方

予曩歲游京師。寓柳馬埭木地屋某所。此家以製蠶絲爲業。予僑居之間。與其僮僕。評論兩都文物之盛。予則誇東都雄壯。彼則稱京師秀麗。日夜相爭其優劣不休焉。有一甲幹適患鵝眼風。試敷膏諸藥。并不效。一日問予曰。貴客可治此乎。予笑曰。東都醫者。此等小恙。猶振稿也。嘗聞輦轂下名醫衆。而此是小病。數醫不能治。若遇大患。措方如此。則恐至病邪沉淪而不救爾。如予者在東都。醫中之尤拙手。雖然。當限七日愈此疾也。彼乞藥。予欲令信。先以旅中所攜平胃散一匙。隱其名與之。相囑曰。須少水和勻。擦患處。即以青杉葉一握。置炭火上。乘黑煙升騰之時。熏之。日三回。

乃如法行之五日而全瘳。予歸東都後。歷十載而彼致書以乞治鵠眼之散藥。嗟未知一品青杉葉熏鵠眼有奇效。乃以爲奏效者。全在敷藥之力。是以不厭山海千有餘里之遠。致懇書以索蛇足物。予曩欲示奇而偶兼用平胃散者耳。今及得書簡。竊悔向日之權譎。因解其事傳其方。紀之爲後來不可欺人之龜鑒云。

參附硝黃

病既至危殆。則世醫皆頻投參附之劑。以爲極精力盡人事無踰於此者矣。而其斃也。病家亦無有遺憾焉。以余觀之殊不然。夫人之死也。有由邪實者。有本正虛者。正虛之用參附也。固其所也。如夫邪實者。則死期雖已迫。不可不與硝黃之類。而建摧陷廓清之功也。豈致皆資于參附哉。

卒中風妙藥

中風卒倒昏不知人者。取活鷺血灌口中卽甦。極妙。頃閱紫芝園漫筆。亦載此事。余繹其所自。實出于聖濟總錄。

麻沸湯

錢天來傷寒朔源集云。麻沸湯者。言湯沸時泛沫之多其亂如麻也。全生集作麻黃沸湯謬甚。元周按。陸羽茶經。形容沸湯而爲蟹眼。又千金方曰。蟹目沸。及蟻鼻沸者並同。

得瘡方

或云。治得瘡。取小粉糊。經三四年者。貼患處。極妙。余眎人之用之。頗驗矣。糊陳久者。稍裒匹。皆貯之。○又得瘡方。鹿角霜。黃柏。南星。括蕪根。各等分。爲末。水和調。傳患處。

病人死候

凡病人。肌肉柴瘠者。手腕後肉脫。而形匾。醫握其中央時。指頭將相合者。不問何證。爲死候也。雖飲食如故。此游魂之假息耳。勞瘵之病。累月後。必見此候。唯傷寒。痢疾。脚氣。後有此候者。往往愈。

數脈惡候

人感外邪。而脈見浮數者。此其常候。用解表之劑。發汗。則其脈和矣。其他一切疾病。浮數。弦數。沉數。細數。並皆惡候也。竟成不治之證。又病人常呼吸短促者。不論何證。罕得生者。二者不可不詳察也。

皮膚之寬緊

久病之人。雖羸瘦甚。其皮膚寬。而有皺者。儘有得生者。若皮緊而無皺者。必致不起。是余之所屢驗也。

無名腫毒妙方

王士禎居易錄云。前寧都令李聘說。麥粉不拘多少。用陳醋熬膏。貼無名

腫毒神效同志者宜製以試之

陶器醫

東都本街傳馬街者巨賈所居也近坊醫家有賴此兩街而爲生活者數人焉。每朝醫者往其商家診僮僕之病者回家調劑乃連竈煎煮數人藥入陶器以小箋記患者姓名糊粘其上乃肩奴以致各家必不勞病家臧獲也。雖無患者之時醫日往問寒暄猶仕主家世俗呼之曰陶器醫。都下雖廣大未聞他處有此風也。蓋此媚醫之所狃遂爲習耳。說此於他邦人未爲信焉。

片倉家言

取法方於湯液之遺文以爲施術規度。選神藥於後賢之書籍以爲應變治具。

藥爲病役

醫之治疾病與湯方病服則多奏效矣。若患者惡聞藥氣或病遷轉而至于湯方爲病所役則多不能取效也。

辟蚊蟲

予頃閱體仁彙編載辟蚊蟲一方。雖未試之。若能有驗則當夏夜讀書之時可省侍童之勞也。其方六月蠶沙夜明沙浮萍更加苦練花每到黃昏

燒一炷蚊蟲飛過別人家。又王璆百一方。載驅蚊蚋辟風方。蒼朮一斤。木
鱉子雄黃各二兩半。

右爲細末。蜜丸如彈子大。床下燒一丸。或於蚊合時。當門燒之。熏落如
麴淨盡。

金箔

本邦金箔。方二寸八分。厚如美濃紙也。方書有謂金箔幾許片者。豈與此
邦金箔。其闊狹厚薄相同否。予疑之。久之。曩得一古書。蓋大永中竹田昭
慶以所問其師筆錄者也。予姑名曰大永醫話其書曰。中華金箔形甚小。宜以四片對
此邦一片。卽師出中華金箔以示云云。又覽遠藤元理本草辨疑。中華金
箔方一寸許。比此邦者甚厚。宜以二片敵一片云云。二說雖互異。以此推
之。當不失其大要矣。

糯資噎塞

不論大人稚子。有啖糯資。偶噎而黏着喉間。嚥咯不移。遂呼吸難通。躁擾
煩悶。而致橫夭者。當是之時。雖有神丹奇湯。不能落腹中。坐視其斃。豈不
悲乎。予頃獲一奇術。其法取牛膝一條尺許者。急入口中。向胃脘裏推下
一送。則忽得喉嚨開豁而安。如無牛膝。則代牛蒡根。若並無則以摺扇取
去母骨及紙。以子骨相重。切去尖。濕紙包裹以代之亦可。

肉脫死候

水泉既涸。雖有帆樯篙竿。無所用之。形肉既脫。雖有良藥奇方。奚能回生。

灸女室

續醫說引癸辛雜志云。劉漢卿郎中患牙槽風。久之。頰穿膿血淋漓。醫皆不效。在維揚時。有丘經歷。妙於鍼術。與漢卿鍼委中及女膝穴。是夕膿血即止。旬日後。頰骨蛻去。別生新者。完美如昔。又張師道亦患此證。復用此法。鍼之亦愈。委中穴在腿臑中。女膝穴在足後跟。考諸鍼經。無此穴。惜哉。後人未之知其神且驗也。元周嘗受治。失心驚悸。癲狂氣逆等之。秘灸於一老翁。灸足後跟赤白肉際。左右各五十壯。經驗頗多。即是女膝穴也。近田安藩松堃某患骨槽風。左頰穿一孔。膿血淋漓不絕。已三年。余教之日灸女室穴。一月而全瘳。因併錄於此。以示同志。松堃致書以謝之附于後

腎囊濕潤

有男子常腎囊濕潤不乾者。牡蠣。螺殼。五倍子。菴豆。以上四味爲末。敷之。無不愈者。

心膈痞塞

太永醫話云。心膈痞塞證。加入參。半夏。橘紅。必奏奇效。余按此。卽半夏瀉心湯之意也。似近代吉益東洞以人參治心下痞硬。爲特得見。然三百年

前既有此說。不足爲奇。

枇杷葉祛痰

又曰。枇杷葉祛痰甚妙。此本草所未言及。余試之頗驗。

鼻衄妙藥

鼻衄如水淋漓不止。諸藥不效者。以葶麻子摺加百草霜少許。貼前頂穴。卽止。若不止者。鍼委中出血。無有不止者。

蘭草

蘭草。和名蘭。曰跋葛末也。此品芳香之氣。開胃中菀陳。消食進飲食。除痰和氣。治小兒穀癥及尋常滯食夾外感者。最神效。又能止嘔吐。治消渴。氣味辛平。亦有發散之功。而前輩用之者甚鮮矣。奇病論曰。數食肥甘。令人內熱中滿。其氣上溢。轉爲消渴。以蘭除陳氣。李東垣據之。治消渴生津。飲用蘭葉。予嘗擴經旨。不惟治消渴。凡食肥甘。胃中生鬱滯成病者。皆用之。小兒好食肥甘生病者。常多。予每每用之。見奇效。又神農本草經云。利水道。殺蠱毒。辟不祥。別錄曰。除胸中痰癖。予又本於此。用凡胎毒爲患者。及發黃小便淋瀝。或因痰飲作諸症者。皆驗。夫內經所言。則治數食肥甘。內熱氣上溢。轉爲消渴者。予之所言。則治食肥甘。內熱氣未上溢。而爲諸症者。雖所言似異。其實則同焉。此藥太平之世。治雜病日用之品。故吾門常以

此品代藿香見奇效每多。

甘草

甘草主治緩急和胃。協和諸藥。解百藥毒者。人所知也。然未知以此一品治他病。凡小兒啼哭踰時不止者。以二錢許。熱湯浸絞去滓與之。卽止。又初生芽兒。咽喉痰壅。聲不出者。頻與生甘草如前法。又傷寒經日不省人事。譫語煩躁。不得眠者。每服五六錢水煎。晝夜陸續與之。神效。此取本經所謂主治五臟六腑寒熱邪氣也。其他癩疾發而搖擗上竄。角弓反張者。及嘔吐不止。水藥入口卽吐。用半夏。生薑。竹茹。伏龍肝之類。益劇者。用此有奇效。不可不知也。

小兒白禿瘡

治小兒白禿瘡。以石膏一味極研末。漿水和調塗患上。卽廖。此法極妙。南土桑名玄清所屢經驗。

鴨跖草

鴨跖草和名黃
齒孤藤氣味苦寒無毒。主治寒熱瘴瘧。小兒丹毒矣。此藥解熱毒之妙劑也。余嘗用傷寒溫疫熱邪不解者。取效甚多。今人未知有斯奇效。須試傷寒啓微所載。新定方中用此者。而後始知其功效之神也。

鄙人治久嗽

木工街典舖某。患夜嗽累月不止。數醫不效。偶一鄙人。謂曰。醫家治久嗽。率皆泥理。取效甚遲矣。吾有一奇方。君服之。不出五日。而必見效。商乃依其法。三日而全瘳。其方雞卵一枚。去殼。入熱湯中。更入砂糖姜汁少許。攪勻服之。旦暮各一云。

失精有熱症

戴元禮曰。失精夢泄。有經絡熱而得者。若以虛冷用熱劑。則精愈失。此證恍惚。膈熱。乃驗其證也。本事方清心圓最良。以此見赤濁。亦有因熱而得。亦可用此清心圓。方黃蘗一兩。爲細末。用生腦子一錢。同研勻。煉蜜圓梧桐子大。每服十圓至十五圓。濃煎麥門冬湯下。元周曰。夢遺屬熱證者。必恍惚。膈熱。此古人所未論。可謂卓見也。

入浴昏倒

入浴昏倒者。邦俗謂之湯氣。此證市中混堂往往有焉。其輕者以水灌之。卽甦。若行之尙無效。則醫亦窮於措劑。余壯歲於三因方上取方。用此屢得驗矣。陳無擇云。入浴暈倒。口眼喎斜。手足譫曳。皆濕溫類也。茶朮湯主之。卽五苓散加乾姜附子方。又與大全蠲附散亦效。方附子炮去皮臍。川烏炮去皮尖。麻黃去節。僵蠶炒。南星防風各三錢。雄黃朱砂全蝎各錢半。白芷藁本各半兩。

右爲細末。每服半錢。蔥茶調下。食後服。

治煙草毒

人有嗜煙草。暗中其毒。咳嗽頻發。頭目岑岑。或五心煩熱。或覺面如火氣。升騰者。余曩歲遇此證。記得蔣示吉所論。乃用其方。見奇效。因錄其論。治以示同學。望色啓微曰。煙筒爲煙煤所塞。用砂糖泡湯淋之。其煤盡消。蓋治煙毒之藥。必加砂糖矣。北人曰。板榔解煙毒。亦驗。總之熱毒發狂。用泥漿水和藥服。萬物歸于土。而性解。用之亦可。○楚中一商性急而嗜煙。閱三日五心發熱。咳嗽大作。百藥不愈。予診之。大脈俱洪。火症也。莫非煙毒乎。其人亦悟曰。吸煙則嗽愈甚。遂以麥冬。知母。山梔。花粉。黃芩。蘇子。甘草。薤仁。枇杷葉。煎成去渣。入砂糖一兩和服。四劑而痊。

癰疽妙方

治癰疽將發者。與忍冬丸極妙。然不宜虛人。方以忍冬莖葉共灌酒焙乾。細末。打米糊丸梧子大。此方本出奇效。良方痰飲門。而本邦古老醫所經驗也。

四目

本草綱目芸薹子條。引陸氏積德堂方曰。蜈蚣傷螫。菜子油傾地上。擦地油搽之。卽好。勿令四眼人見。不知四眼人何義。或以爲懷孕婦非也。葦竹

堂簡便方曰。治肉骨魚骨梗喉。不要四眼見。即將筋來倒轉。隨便鉗肉一塊。急下卽愈。又彙聚單方。治瘧疾。于五更時。取大蜘蛛一個。用絹或包頭。捲了蜘蛛。縛于病人臂膊上。男左女右。大約二三日卽止。若臂膊上起大泡一個。尤止得快。但只許一人知見。不許四眼見。昨偶讀醒世恆言。明人所著小說元來情色。都不由你。那女子在茶房裏。四目相視。各有情云云。觀以上諸說。則卽知四眼者。兩人相視之謂。可以確證矣。

死生難決

醫之臨病也。先以決死生爲之先務矣。予極力於茲數十年。所指多不爽。然偶有失之。則自切齒而憂吾才之短。又竊思雖古之名賢。或不得不失矣。何則。張仲景曰。視死知生實爲難。又宋初虞世以醫名天下。而視皇子鄧王瘡疾曰。必可無虞。不三日而王薨。可見死生之難決者。名賢既如是。由是觀之。使古之扁倉華佗在今世。而親見其臨衆疾。恐當不百發百中焉。

池田痘疹書

余嘗著痘疹微義。未上木。寬政初門人佐藤中節。游京師。得痘疹唇舌口訣一本。此書係于黃檗山僧戴獨立。號曼公所著。而門人池田正直筆記。會孫瑞仙所撰次也。余讀之。診候精密。治法詳審。勝于余之撰遠矣。迺呼門

弟子謂曰。自今以往。欲精乎痘疹治法。舍余而宜從他田氏學焉。及以余之草稿本悉燒之矣。

不貴美與雅

田藝衡留青日札曰。管晏之文。無鹽醜女也。雖醜而有益于國。莊列之文。西施美婦也。雖美而無裨于世。余亦曰。寓意草治驗。文雖雅無益于治。赤水玄珠醫按。文雖俗有裨于醫。夫文美而亦有益于國者。左氏之傳。文雅而亦有裨于醫者。仲景之書爾。

秘方宜廣傳

王損菴筆塵云。秘方廣傳則不效。此王氏偶得稀痘妙方。以當廣傳人。令試之。其驗甚少。遂爲此言者爾。今之靳方者。動輒引王氏語。以爲秘方不可傳人矣。夫痘者胚胎之始。陰血濁氣所固有者。生來之後。觸時氣而發出也。故其輕重元自有分爾。豈有預服藥而痘稀之理乎。王氏未悟此義。見稀痘一方不效。而槩言其他者。不亦過乎。若以秘方人人隱惜不廣傳。雖有神驗妙方。經久則恐煙沒矣。夫芋梗治蜂螫。老胡瓜治火傷。香薷解鯉魚毒之類。不暇枚舉。傳之千萬人。而千萬人皆效。噫。王氏之一語。可謂殆非仁人之言也。

大鰻鱷

今人見鰻鱺魚之大者。則皆言海鰻鱺。殊不知也。阿州母川所產者甚大。而他州之所未有也。寬政甲寅四月。於栗山先生所。視鹽庵乾藏者二頭。其一長四尺五寸。圍一尺二寸。其一長三尺餘。身淡黑而腹白。背之肉鬣連尾者。不異于尋常鰻鱺形狀。唯頰後鬣甚厚而大。髣髴如耳。先生云。活時秤之。大者九斤餘云。予曩有一僕。羽州秋田人也。言我鄉有款冬之大者。莖大一擲許。葉廣可充雨傘。嗟乎造化之生物。由殊方形狀迥異者如此。

陰癰奇方

世治癰方極多。余之所經驗。既載雜病試效。頃得治陰癰妙方於一友人。記以廣傳。其方慈菇不拘多少。搗爛取汁。牡蠣細末和調。敷患處。七八日而必效云。

麻疹預防

麻疹流行之際。以紫根二三錢。照常水煎服之。則必避之。假令罹此疾。必稀少。不害生命。真絕世之妙方也。安永丁酉歲。天下麻疹大行。甲州一士人三間某者。一家七八口。適服此藥。四鄰悉患麻疹。而此家獨不染。遂傳之親戚。皆盡驗云。因記以示同學。

鬼哭灸

狐狸之憑人。使人語言錯亂。恍惚失神。或識未到之處。或書未知之字。或其力倍常。治之之法。宜灸鬼哭穴。乃以道理責之。必去矣。鬼哭灸法。以患人兩手大指相並縛定。用大艾炷於兩甲角甲後肉四處騎縫着火灸之。若一處不着火。即無效。灸七壯。病者哀告我自去。神效。此秦承祖灸鬼法也。予往年治神田某妻。忽患狐祟。即以此法奏奇效。

小山氏之母奇疾

紀州新宮村。小吏小山氏之母。齡幾八十。自壯歲患腰痛。發作有時。他無所苦。丙午冬。偶周身浮腫。因進藥餌。然以蠱平素惡聞藥氣。不敢服。子孫亦以其壽高。也不強與之。任其自然矣。至丁未春。腫滿漸減。而覺腹中微痛。至五月初。微胸膈痛益甚。飲食不下。數日已收後事。以待斃。至七日晨。忽腹中疼痛。如嚙如裂。連放三四聲。吐異蟲一箇。其形似牛蝨。淡灰色。長八分。廣七分。厚四分。頭面貼身。眼鼻不分。嘴尖無尾。足長三分許。褐赤色。節白。二足在口傍。六足在腹下。全身柔軟。如新製糯糰。背上及腹有八字樣。隨步動。成扁成圓。舉家駭異。以視人。試灸背腹七壯。不死。或灌殺蟲藥汁。或放溫湯中。亦復自若。經四日而始死矣。蠱病全安。此同邑蠱烏仙親視云。姑錄以廣異聞。

呼吸短促

凡人常行步則呼吸短促積日累月後發浮腫者必難治若水腫病中而發呼吸短促者得治而愈者多

前輩難信

先哲治妊婦之病禁用腦麝丹皮桃仁紅花之類余始守是戒堅信而不妄施矣曩余之所親善一武士妻既六七產而又孕其夫請墮胎藥余不敢許彼強請不止遂乃教之曰宜以麝香一錢分二服酒如法服之而婦安然後又與此藥於一婦人亦復如故而及期月並易產子母亦無恙未數年其兒俱發痘甚稀少今皆壯健吁書之難信往往有如此之類不可不詳察也

不輕改字

明方有執著傷寒論條辨恣改易原文次序以爲之註釋於是後之醫家凡註傷寒論者無不效方氏舉而易章改字矣夫於古書改字句非有確然明證則奚可輕改邪世說載韓景性頗闊劣嘗爲集校理史傳有金根車累以爲誤悉改爲銀又王士禎居易錄載文苑英華辨證十卷宋嘉泰中廬陵鄉貢進士彭叔夏撰云云自序云叔夏嘗聞太史公之言曰校書之法實事是正多聞闕疑叔夏年十二三時手鈔太祖皇帝實錄其間云興衰治□之源闕一字意是治亂後得善本乃是治忽三折肱爲良醫

信知書不可以意輕改云云。噫近代之妄改竄傷寒論者。不無金銀治亂之類也。

樺

甲斐德本所著梅花無盡藏。往往有稱樺者。未詳爲何物焉。或以爲葛跋薩孤刺訥葛底。或言苦棟子細末打米糊和勻。扁如碁子大。曝乾聽用。未知何是。疑之久之。近一病客自上總州來。語次及德本之事。曰。我邑有一老醫。識所謂樺。而爲人治疾。每奏奇效。曩族姪患口瘡。衆工無效。延渠求治。乃發一小劑曰。此是二陳湯也。而加黑炒如炭者二三錢曰。此德本所秘樺是也。用此七日而全愈。予曰。以重物購其方何如。患者曰。渠秘惜不傳。仄聞東都有誹人木村小知者。獨授其方。夫木村者。予二十年前所邂逅。而齡已八旬餘也。予卽日訪木村於細柳街廬。乃叩樺事。曰。有之。因請傳其方。曰。今日當芭蕉翁百年忌日。寬政十二年十月十二日誹友數人在堂。紛擾亦甚。請重來則可傳也。次日予攜酒菓侵晨往。則木村感予之好醫方之厚。便出一書傳之。其方黃連黃芩大黃肉桂各等分。

右四味細剉。黑炒者耳。夫樺雖諸說不一。觀寒症熱症俱用此品。則三黃之苦寒中。合肉桂辛熱。而黑炒者甚妙。此必德本所用之樺正是也。予不忍自秘。錄以公之。

癰風良藥

赤白癰風。本屬難治症矣。近讀大承醫話。得一奇方。附子皮。硫黃。礬石。鐵精。

右四味等分。極細末。先使患者浴去垢膩。而後貼藥於患處。乃火焙乾。復浴而貼藥。火焙如前法。日三四遍。數日而必愈。又門人齋藤生經驗。癰風方。焙硝硫黃各等分。右細末。酢調敷患處。神效。

萬病回生丹

予往年讀濟世碎金方。得萬病回生丹。每遭大人小兒危急症。與之取奇效。不鮮矣。因錄于茲。與衆俱之。其方明雄黃。生胆礬。滑石。生各二錢。

右爲細末。大人伍分。小兒叁分。白湯調服。一時卽吐頑痰。回生起死。轉手在人。不可草草。○主治善吐頑痰。專治中風不語。一時昏悶。不省人事。小兒急慢驚風。四肢抽掣欲死者。又治咽喉風緊閉。牙關不開。痰涎湧盛。咽喉拽鋸。瘧疾痰喘咳嗽。又治鷄骨哽咽喉。不得上下。神效。服之一字卽吐頑痰。此藥有起死回生之功。原費銀十兩。愿刻之以公天下。養生君子。萬莫輕視寶之。神效無比。雲泉家寶方。

狐臭妙方

腋臭謂之體氣。又稱胡臭。或作狐臭。而治之之方。俗間頗多矣。然至爲根治。則人所實難也。頃覽體仁彙編得一奇方。乃試之甚驗。只要使患者如法用藥。無怠慢耳。此症人患者多。倉卒無藥。及欲斷根源。用此方。用自已小便洗一次。米泔洗二次。自然姜汁每日擦十餘次。一月之後。可以斷根。周常擦姜汁訖。敷後方最妙。治體氣方。枯礬松香各一錢。輕粉二分。蛤粉二錢。密陀僧五分。麝香半分。

右爲末。每用少許擦之。又閱熊宗立山居簡要醫方便宜載一方。迺舉于茲備應用。黃白散。治狐臭。黃丹。白礬。膩粉。等分爲末。臨睡時抹之。可使半月而愈。

粒甲丹

東都一商家。賣稱粒甲丹藥。主治萬病危篤者。又使病人不寐者。能睡。是以一稱睡藥。其方人參六錢。虎胆。阿片。磁器研經年者良真珠各二錢。麝香。龍腦。各一錢。烏蛇七分半。木香五分。

右人味細末。外以艾葉。黃連。黃芩。各二錢。濃煎汁。前藥和勻。研千遍。漆器上陰干。再爲末。米糊作錠。聽用。其服之必睡者。以頭眩于阿片毒也。嘗松下街浴室商。患咳嗽浮腫。偶親戚進此丹。乃以一錠。一日服盡。昏睡半日夜。及其稍醒。發熱大渴。煩躁悶亂。晝夜不寧。三日而斃。夫物之

有能者必有害。烏附巴黃之能生人亦能殺人。人皆知之。至于阿片之毒人則知之者鮮焉。予近閱大承醫話曰。凡中阿片毒者必昏。宜急用砂糖泡湯頓服。不可不知也。

痘瘡序熱發搐

小兒痘瘡序熱。搐搦上竄。不省人事者。誤認爲驚風而灸藥兼施。則此雖誤治。不害於發痘。若以驚風爲痘瘡而與藥。則變症蜂起矣。痘瘡候必面色緣緣赤。自汗出而眼中含淚是也。不可不詳察也。

眼珠出入

人有九竅。而口眼及前陰後陰則能開合焉。鼻則能動搖而不能以開合焉。耳則開合動搖俱不能焉。是爲之人之常也。至若夫諸獸之搖耳。象之役鼻。蟹之臥起眼珠。則是人之所不能也。而在夫畜類亦能彼而不能此者。則其所受之性各異殊也矣。甲州有一獖。年二十五。其眼珠出入者。猶龜鼈能出入其頭然矣。寬政壬子歲。都下校獵兒誘彼以歸。遂開場於城東堀街戲場傍。乃植招牌延觀者。觀者蜂屯。余亦往觀之。彼不離眼左右。自以指按眶。則卒然隻珠突出一寸許。乃取一小匚置於眼珠上。以能舞之。次冒鬼頭假髻於頭頂。復翳出隻珠。乃爲魑魅罔兩而奮起跳躍。須臾不觸手。而復眼珠於本位矣。夫人微塵入眼內。尙且痛不可忍。而况載物

於眼珠上以舞之乎。昔阮籍能爲青白眼。而人以爲奇焉。今使眼珠出入如意者。人之所不能爲。而彼能爲之。則是亦稟異氣而然者歟。非邪。是豈不奇中之最奇者乎。嘗覽寧南江名醫類案。一人眼珠垂下至鼻。大便血出。名肝脹。用羌活水煎服愈。此是以涉疾病。乃費財貨以望醫藥。今此一漢。以眼珠出入如意。乃博諸人之一笑。以日得數千錢。嗟乎。疾病與稟異氣之間。亦豈非大懸隔者哉。

取瘤妙法

瘤有痰瘤有氣瘤。而痰瘤搖之則根與肌肉相離。肉瘤則反之。故痰瘤可取。而肉瘤難取焉。取痰瘤之法。不拘其大小。先以三稜針刺瘤頭一分許。乃以礬石瓜子大入針瘡。另法礬石末打米糊和調。貼瘤周圍。以紙蓋之。須臾以手搖瘤。則當針瘡白汁出。乃以濕紙拭去。所貼礬石。再以礬石一二錢入盞內水解開如稀糊。以鷄翎塗之。瘤上數十遍。半日許而脫去如神。

青囊瑣探下卷

肥前橫尾斐君章

相州片倉元周深甫著

門人播磨西村翰羽王

全校

肥前松村文郁周卿

痘瘡倒靨及痘後內障奇方

痘瘡有順逆險三候。其順症者。不藥而愈。險症者。醫治而可免死。至逆候則雖專門神手。不過徒指其死期之日。而束手待斃。悲夫。予頃閱齊東野語。載用狗蠅治倒靨方。是痘家書中所未嘗見者。曰。小兒瘡痘固是危事。然要不可擾之。嘗見趙賓陽曰。或多以酒麵等物發之。非也。或以消毒飲升麻湯解之。亦非也。大要在固臟氣之外。任其自然耳。惟本事方捻金散最佳。又陳南劍剛翁云。痘瘡切不可多服升麻湯。只須以四君子湯加黃耆一味爲穩耳。二說皆有理。然或有變證。則不得不資於藥。癸酉歲兒女皆發痘瘡。同僚格蒼陳坡老儒也。因言向冬教三山曰。其孫方三歲。發熱七日。瘡出而倒靨色黑。唇口冰冷危證也。遍試諸藥皆不效。因乞靈於城隍廟。以下生死道經一士門。士異其侵晨倉皇因進扣之。遂告以故。士曰。恰有藥可起此疾。甚奇。因爲經營少許俾服之。移時卽紅潤如常。後求其方。甚秘惜之。及歸方以見臚。其法用狗蠅七枚。狗身上能飛者搗碎和醋酒少許調

服蠅夏月極多易得。冬日則藏於狗耳中。不可不知也。既而次女瘡後。餘毒上攻。遂成內障。目不辨人。極可憂。遍試諸藥。半月不驗。後得老醫一方。用蛇蛻一具。淨洗焙燥。又天花粉等分。細末之。以羊子肝破開入藥在內。麻皮縛定。用泔水熟煮切食之。凡旬餘而愈。其後程甥亦用此取效。真奇劑也。

捻金散 本事方 治小兒麻豆瘡。欲出渾身壯熱。情緒不樂。不思飲食。服此可內消。仍令瘡無癢痕。

紫草茸 升麻

糯米 冬中雨

炙甘草 一分

右鹿末每服四錢。水一盞。煎至六分。去滓溫服。併滓再作一服。此療瘡疹奇方。

升麻湯

四君子湯

並見諸方書不錄于茲

治疣神方

疣雖是小恙。至其蔓延。則雖容顏如毛嬙西施。亦有其類醜。 言極似無鹽 女子焉。是以錄經驗數方。使閨中患之者得歡心矣。治疣神方。屢試驗。蛇蛻不以多少。滾湯浸頻。疣患處。即瘳。○又方。治疣蔓延者。以活蛻蟬一箇。轉擦疣母上。著粘訖。乃放棄。則其疣自脫。其他子疣尋愈。○又方。薏苡仁一二錢。甘草一錢。以水一盞半。煎取一盞溫服。四五日而疣如拂。 一方無甘草用大腹皮亦妙

○又方。將茯苓三錢。水煎溫服。數日而自痊。

凍瘡妙方

凍瘡大人患之者甚多。而在幼者最多。此疾遇冬天。則發於手足與耳朵。後世謂之寒瘍。或名凍風。又發眼曰凍眼。發耳曰凍耳。其初起赤斑。漸而微腫。得溫則癢。痒殊甚。若失治久不痊。則變紫黑色。而遂潰爛發膿。重者穿肌肉。方其癢爲癢痕。如湯火傷瘡。甚者耳朵墮落矣。前哲治法。有碧玉膏。獨勝膏等。予家傳一奇方。方未破時與之。百發百中。應效如神。方名掃凍煮散。土茯苓二錢 乾薑一錢

右二味細剉盛絹袋。嚴醋蘸。上火乘熱熨患處。日三四次。輕者二三日。重者七八日。不潰爛而全愈。

取鷄眼子妙術

鷄眼子生手足心。是亦微恙。雖然妨乎把握。害乎步履焉。世俗治之。率皆灸患處。或又以針穿之。乃傳銅線丹礬之類。然是皆足取一時快。而根治則難矣。余嘗得一奇術。累試累效。其法以粳米一粒無瑕者。安眼子上。以小刀或針。向米上空書十字。凡三遍。書訖急以刀鋒刺底。然後可放粳米於滾水中。至米化爲水。而眼子自失去。此又不可以理測者也。近覽乾坤生意。載鷄眼藥二方。因抄出而舉于左方。

鷄眼藥 水銀 乳香

沒藥各等分

麝香少許

先用刀脩去鷄眼。將血見愁搗爛成膏。入前藥末少許同敷於患處。絹帛縛定。

又方 用血見愁敷之亦妙。

血見愁即地錦

知足齋德本十九方引

湖南稻葉克子念者。初游浪華受業於吉益東洞門人某。喜萬病一毒說。好用峻藥。資性魯直。不見容世。或在都下。或在山野。亦數破產。游歷四方。而爲業矣。寬政壬子歲。自相州鎌倉移往甲州郡內。客于桂林寺。此年五月。與里人俱登富士。既至山麓。則土人見克之佩刀曰。凡登此山者。皆解刀留此。請須託我輩。克作色曰。我舊武人子。何敢解刀邪。遂登山巔。極眺望。稍下而憩。沽酒取微熏。興趣勃然。至第六合。四十里爲一合。十折爲一合。與同游俱取先導所齎之大草鞋着之。將自沙拂下回馬。而此坂繩路一條。直下十有餘里。當其下則細沙亂石。隨步而崩。後人之足在前人之肩。魚串而下。故欲止不能。一瞬之間。忽到山麓。而克獨中途失道。陷大澤中。纔出四顧。則不見人家。惟澗水琮琤。若鳴珮環。青樹翠蔓。蔭蔽蒼蒼。克無奈何。獨躊躇于溪邊。意祈岳神。尋樵路。則日漸落西山。憂懼之間。適遙見一農夫之過。克喜大聲呼之。語以前事。且問回馬道。則曰。距此三十餘里。山路嶮峻。岵阨

羊腸榛莽蔚塞。奚得往焉。顧因客佩刀以犯山禁。蓋神靈之咎至此極耳。請宜謝罪也。克乃浴澗水。仰岳拜謝數回。農夫憐之。延造其里之黑川邑。令宿一小寺。寺僧頗知醫。相見互喜。遂出一書示克曰。此書近邑民家累世所傳。卽知足齋德本所述也。克卽讀之。則書中所載僅一十九方。取之左右。主治百病。其方簡而不繁。峻藥居十之七。與世所傳之梅花無盡藏。大懸隔。而與其所崇之萬病一毒說幾相似。克大喜。不知手舞足蹈。乃膽寫以歸。比諸金科玉條矣。後游駿遠之際。少試之。復來東都。以此書爲誇具。非得方金十星。則不敢許傳人。予好方技之癖。素到膏肓。偶聞之。雖有意看其書。無緣言面。旣而歷歲餘矣。近一門人於江戶橋路傍一書肆。以青錢二十四文購得一小冊子。以致予。予覽之。則嘗所傳聞德本之書。首有稻葉克序。以國字書前項所述之事。而歲月姓名下有款識。則蓋係克之所自筆。卷尾有東洲左濶跋。惟恨此書文理不接。顛倒錯置。亦復不少。因改竄潤色其大半。使人始可讀之。後會左濶言得此書之由。則曰。曩克於日本橋大路往來。偶爲攬客所奪夾袋時。併失其書云。夫德本有名醫之稱。人口之所贈炙矣。而真書之不顯於世者。幾二百年。克苦身體忍肌渴。偶然得此書。以爲奇事矣。而今予在都下。不勞體膚。不識其人。而自歸我插架者。此不亦奇緣乎。蓋予生平有意于壽蒼生。每得奇方妙藥。不獨

自秘。輒著書以與衆俱焉。是以天示我此書者歟。予之於克雖未有一面之識。未知其爲人何如。又曷可秘邪。因附載于此。顯德本之幽光以傳不朽。克覽之豈得以予爲非哉。

近甲州門人高木甫齋來。予欲使彼歸鄉之次。造黑川邑索此書之原本以訂正。乃高木生跋涉嶮阻。遍歷峽中。無所謂黑川邑者矣。因至桂林寺詢之寺僧曰。德本十九方。往年自山梨郡元明傳。而爲克所奪去云。然則克欲使人信。而奇其事者歟。

〔表證〕 發熱惡風 上衝自汗 項強頭痛 寒熱往來 喘急無汗

惡寒身疼 欬嗽咽痛 乾嘔拘急

凡脈浮者表症也。皆自風寒起。當發汗。○病人發熱上衝。頭痛惡寒。汗出者。或胸以上似有汗者。或腹拘痛者。或下利者。或如瘧狀。發熱嘔者。發陳湯主之。

發陳湯

茯苓 半夏各四分 柴胡 桂枝 芍藥 黃芩 生薑各三分

蒼朮 甘草各二分

右九味。以水二合。煮取一合。去滓溫服。○若咽喉腫痛。欬嗽者。兼用青龍散。

青龍散 治咽腫疼痛咳嗽者。或痰喘咳嗽無汗者。或胸跳目眩者。或救逆吐食者。或咽痛甚吐痰血者。

茯苓_{錢四} 大黃 五味子 青礞石_{各三錢} 甘遂 甘草_{各二錢}

右六味爲細末。每服人分。白湯送下。或作丸用之亦可。

寒熱往來。振振無汗。頭項強痛。背脊拘急。或呼吸促迫。身體骨節疼痛者。或咽喉喘鳴欬者。並與榮陽湯主之。

治瘡家骨節疼痛。或寒慄者。此方與救逆飲和服。時時以瀉心圓下之。若風濕骨節疼痛者。亦宜以此方和救逆飲。若喘息胸滿。或欬喘久久不愈者。此湯及直行丸。永服斷根本。

榮陽湯

葛根 芍藥 麻黃 桂枝 杏仁 附子 甘草_{各二分} 生薑_{三分}

右八味。以水二合。煮取一合。去滓溫服。如惡寒身體骨節疼痛者。和救逆飲與之。如口舌乾燥者。兼用平陽丸。凡大便硬而煩者。兼用解毒丸。救逆飲 治中風。風濕。痛風。風痺。疝氣。腰痛。腹痛等症。又半身不遂。口眼喎斜。或語言蹇澀者。和發陳湯服。若不大便者。兼用解毒丸。又寒疝腰痛。漸漸惡寒。或大便閉結。或瀉下。或腹滿痛按之反不痛者。或胸痺心痛者。或胸腹疼痛。惡寒戰慄者。及腹鳴寒痛。手足逆冷者。並此方主之。

又淋疾久不差。腰痛者。和清濟子服。時時以玉丹下之。

茯苓

芍藥

各八分

鬼縛

四分

甲州方言。鬼縛。黃連。此品華名未詳。蓋香之類。

白朮

六分

附子

二分

右五味。以水二合。煮取一合。溫服。

容平丸。口舌乾燥。渴欲飲水。胸腹疼痛者。此熱痛也。宜此方。若甚者。和

解毒丸等分。

石膏

五錢

瓜蒌根

三錢

甘草

黃連

各二錢

右四味。爲末。打米糊丸。梧子大。

解毒丸。治胸痺心痛。或噎膈。腹滿按之痛。大便閉結。或下利臭穢。或面

色如醉。言語錯亂者。若發狂者。此方順氣丸各一錢。和服。後與瀉心圓。

○如嘔家胸痞心煩者。和理中圓。○如吐下止而煩者。及熱在裏心中

悸動。煩燥不能眠。或胸痛肩息苦煩。並容平丸和服。○如黃疸病。腹滿

心悸。大便硬者。兼用瀉心圓。○如黃病無餘症者。磁石圓和服。○如積

聚家。胸煩心下痞硬。噯氣者。及大便硬。煩者。並瀉心圓兼服。○如飲食

不下咽者。以生薑汁送下此丸。

大黃

三錢

黃芩

黃連

各二錢

山梔子

一錢

右四味。爲末。打米糊爲丸。

〔裏證〕

潮熱秘閉

黑胎諸語

發熱無寒

胸腹滿痛

下利臭穢

大渴煩躁 自汗惡熱

凡脈沉數者。是裏症也。若身厥冷欲除衣者。熱入骨髓也。病在裏者。無寒時熱。或腹滿按之痛。或大便秘結。或下利臭穢。或面色如醉。譫語發狂。或舌胎黃黑者。是宜順氣丸解毒丸和服。後當以瀉心圓稍稍下除熱。

順氣丸

大黃 芒硝 各等分

右二味爲末。打米糊丸。

瀉心圓 治結毒骨節疼痛者。熱在裏腹痛者。諸毒停滯胃中。胸下苦悶

者。魚毒諸毒之類

天行痢疾。用此方。腹痛止者。宜用禹餘糧丸。○凡諸病用對症

藥後。少用此方。取快利。○發狂者。隨症與藥。後互用此方。及玉丹而可。○又治痘瘡麻疹熱毒甚者。○又朝食暮吐者。用此方。若結實不去。宜與玉丹。○又赤白惡毒痢。藏府掣痛者。先用順氣丸。時時以此方下之。○結毒筋骨痛者。本方最妙。

大黃 四錢 白礬 二錢 輕粉 鼠酒 各五分 即巴豆

右四味爲末。打米糊爲丸。

如熱在胸腹。舌燥好飲水者。容平丸解毒丸兼用。○邪氣在半表半裏者。必寒熱往來。發陳湯順氣丸兼用。○凡裏症汗多者。容平丸順氣丸

【痰證】 【喘鳴欬嗽】 【懸飲掣痛】 【頭眩欬逆】

大熱惡寒。吐痰欬嗽者。宜榮陽湯。○無汗發熱。欬嗽吐痰。或心中悸。目眩者。宜青龍散。○或面目浮腫。或痰飲盛者。將青龍散兼服直行丸。○如咽喉如鋸聲。每欬自胸背引小腹痛。或手足攣痛者。直行丸主之。○如欬逆吐食。或咽痛甚。吐痰與血者。宜青龍散。○如喘而迫胸膈。或欬嗽久不愈者。以榮陽湯兼服直行丸。久服以斷病根。

直行丸 治痰喘欬嗽。頭眩嘔逆。懸飲掣痛。結胸胸高起。心腹疼痛甚者。手不可近。水腫欬嗽等症。其他風濕。痛風。骨節疼痛。及痰飲變成諸症者。悉能治之。

大戟 大黃

各一名

牽牛子

五分

芫花

甘遂

各五分

右五味。爲末。稀糊丸。每服二三十粒。

【心痛】 【胸痺】 【結胸】 【腹痛】

心腹疼痛。舌乾欲飲水者。是熱痛也。宜容平丸。○胸硬高起。痛手不可近者。是結胸也。直行丸主之。○胸中寒有凝痰宿飲而痛者。是胸痺也。理中散主之。○腹鳴寒痛。手足冷者。是伏寒也。救逆飲主之。○腹拘攣而痛者。是外邪也。發陳湯。芍藥散和服。○熱在腹裏疼痛者。宜瀉心丸。○但腹中拘攣。滿痛者。宜與芍藥散。如好甘者。以甘草膠飴煎汁和服。尤

妙。○如心腹疼痛。諸藥不效者。宜兼施直行丸。○心痛徹背。背痛徹心。冷汗出而脈結。氣息欲絕者。以甘草湯送下理中散尤妙也。

理中散 治瘧洩腸鳴。胸下痞硬。小便不利者。若下利不止者。與禹餘糧丸。又治淋家腰脚冷。小便頻數。及尿毒。○如小便利後。莖中痛者。兼用清濟子。○又癩癧症。世皆以爲難治。是水毒變病也。以此方及疳蟲丸。久服則無不悉愈者。

茯苓

錢五

人參

蒼朮

錢各三

桂枝

乾姜

甘草

錢各二

右六味爲散服。

芍藥散 腹中拘攣痛者。是外邪也。宜發陳湯。芍藥散和服。又天行痢。無餘證者。此方及順氣丸。

芍藥

香附子

錢各三

厚朴

白朮

甘草

錢各二

右五味爲散服。或水煎亦可也。

【食毒】

【宿食】

【吞酸】

【酒毒】

飲食停滯而噯氣腐臭者。宜理中散。○大便秘者。與解毒丸。○停酒亦宜用解毒丸。○魚毒菌毒。停滯胃中。胸下苦悶者。宜以瀉心圓下之。○諸食毒在胸腹不消化。疼痛甚。悶亂欲死者。急與玉丹以取吐瀉爲妙。

玉丹

治胸腹劇痛。躁擾悶亂。或角弓反張。欲卒死者。又卒倒不省人事。

者及小兒驚風其他瘡毒淋疾痔疾脫肛下血癰積等及諸般實病當審其輕重淺深每服一二分漸加至一錢取下惡物。

水銀

鼠酒各五分

大黃三錢

黑鉛

乾生薑各二錢

右五味爲末打米糊丸。

【附方】

黑丹

原無方名元周定

治水病身體洪腫小便不利百藥無效者。

水銀

黑鉛

鐵砂各等分

右三味爲末打米糊爲丸。周按。即局方養正丹。以辰砂。換鐵砂者耳。

【嘔吐反胃】

諸嘔吐之證胸下痞硬或小便不利而吐逆者宜與理中散若嘔不止者以生薑自然汁服之。○如發熱而嘔吐者於發陳湯方內加生薑一錢。○如飲食停滯心下而疼痛或朝食夕吐者宜以瀉心圓下之後以理中散調和中焦。○凡嘔吐之證心煩胸痞大便硬者解毒丸理中散和服。○如結實者與玉丹。

【噦噎】

噦者宜服解毒丸。○如胃中虛寒噦者以理中散熱湯攪調服之並皆將清濟子米糊和調貼足心或灸臍中亦可也。○如噎飲食不下咽者以

生薑汁送下解毒丸

清濟子

見水病

【痢病泄瀉】

熱利腹痛裏急後重下赤白汚濁者順氣丸兼與瀉心圓漸漸下之可也。○病輕者宜解毒丸。○天行疫痢初得發熱頭痛惡寒下利澁滯者發陳湯順氣丸兼服。○如大便澁滯肚腹拘攣無餘症者芍藥散兼以順氣丸。○凡痢疾宜先以瀉心圓瀉熱毒腹痛澁滯止後當以禹餘糧丸止之。○泄瀉澁洩者胸下痞硬腹中雷鳴者並宜與理中散如不止者兼用禹餘糧丸。○痢疾下血不止者禹餘糧丸最妙。

禹餘糧丸 治邪在臍下按之濡而痛者及下利便膿血者又治臍上臍下臍傍皆痛者。

禹餘糧 赤石脂 代赭石

各二錢

將軍

四錢

右四味爲末打米糊丸

【痔疾脫肛】

痔疾之爲病濕熱鬱蒸釀成者多宜以救疝飲兼用順氣丸逐濕熱除瘀血。○脫肛下血者宜禹餘糧丸。○凡濕瘡瘡毒痔疾下血脫肛之類久不愈者並用治瘡丸一劑更與玉丹取瀉下則必愈而不復發。

治瘡丸 治瘡毒家及無名惡毒腫神方也宜與瘡毒門參看。

龜板 辰砂

大黃

各四錢

輕粉

五分

右爲末。米糊丸。

【瘰癧】

瘰癧之爲病。欲小便滴瀝。澀痛難忍。或出膿血是也。宜用清濟子。○久瘰有畜瘰。而小腹拘痛。小便頻數。或尿血者。當歸散。清濟子。間服可也。○如大便結燥甚。色黑者。兼用順氣丸。○瘰癧久久不愈。腰痛而時寒慄者。救疔飲。清濟子和服。猶不愈者。爲有瘡毒。宜間以玉丹下之。○如腰脚冷。而小便頻數。時睡中遺尿者。宜理中散。得小便快利後。陰痛者。兼服清濟子。

清濟子

防己 白朮

商陸

滑石

各二錢

甘草

二錢

右五味爲散。每服一二錢。日三服。

【瘰癧】

五瘰當發其邪。宜發陳湯。○大渴者。兼以容平丸。○大熱譫語者。兼用瀉心圓。○欬而引胸中痛者。兼用直行丸。○凡瘰癧久不愈者。有用疳蟲丸。取下蟲而愈者。

【霍亂】

霍亂之爲病。發熱惡寒。嘔吐而利。咽喉乾燥。或渴飲水而吐。手足逆冷。小便不利。或發熱腹痛。手足痿弱。此症皆宜用理中散。發陳湯。○如吐利止後。心煩者。解毒丸。平陽丸兼服。○渴飲水小便少者。是消渴也。理中散容平丸並用。

【虛煩煩躁】

熱氣入內。胸跳難眠。或胸中痛。舌上黃黑。呼吸促迫。動肩者。宜解毒丸容平丸並用。○如熱實于裏。苦楚煩躁。呻吟動隣者。宜以瀉心圓下之。

【上衝】 【眩暈】 【眼耳口舌】

眩暈者。理中散。或發陳散。○眼耳口舌病。皆上衝也。發陳湯。解毒丸並用可也。

【五疸】

黃疸病。汗染衣者。發陳湯。兼以磁石丸。○如心煩者。宜兼用解毒丸。○如遍身黃黑。腹脹大便黑。時時下利者。磁石丸。順氣丸並服。如不效者。當用清濟子。○如腹滿胸跳。大便硬者。解毒丸。瀉心圓兼服。○如渴欲飲水。而小便不利者。容平丸。解毒丸兼服。○如五疸難別。久不差者。宜磁石丸。解毒丸和服。○如汗出者。與瀉心圓。以少少下之。

【疝氣】 惡寒 厥冷 腹痛 腰痛 大便閉結 陰囊縮小

大便滯泄

寒疝證。振振惡寒。腰痛便閉。或瀉下。或腹滿疝痛。按之不痛者。宜用救疝飲。○如上述。頭痛惡寒。身體骨節疼痛者。宜發陳湯。救疝飲和服。○如發熱經日不解。舌上黃黑。小腹疝痛。按之愈痛者。宜用瀉心圓。

【腫滿水腫鼓脹】

鼓脹者。身體瘦而腹獨脹滿。宜常用磁石丸。時時以瀉心圓。及玉丹下之。○水腫者。當發汗利小便。宜柴陽湯和清濟子。○若咽中乾者。問下容平丸。○凡水腫欬嗽者。當以直行丸下之。○身體黃腫者。宜磁石丸。磁石丸 治遍身黃黑。肚腹脹滿。大便黑。時時下利者。與此方。兼以順氣丸。

浮石_{三錢} 磁石_{二錢} 滑石_{三錢} 大黃_{四錢}

右四味。爲末。打米糊丸。

【五癰六聚】

癰者。積也。水穀之毒。皆成積聚也。心下痞而痛。或小便不利。飲食無味。口吐涎沫者。宜理中散。○如胸腹疼痛甚者。可用芍藥散。○如胸中煩而心下痞。或噯氣不除者。可下解毒丸。○如有癰塊或血癰。而大便色

赤黑者。宜與順氣丸。所謂疳癰心氣不定者。其狀殆如驚風是也。宜疳蟲丸。○如卒倒者。宜急用玉丹。如身體浮腫。色青黃。桂萸久不痊者。宜磁石丸。凡大便硬而煩者。當用解毒丸。瀉心圓。

【中風】 【風痺】 【風濕】 【痛風】

半身不遂。口眼喎斜。舉引者。發陳湯對救疝飲煎服。若大便秘者。更下解毒丸。○風痺亦同。○風濕之病。身體骨節悉痛者。榮陽湯對救疝飲煎服。若咽中乾而渴者。更下容平丸。大便硬者。下解毒丸。若痰飲欬嗽者。兼用直行丸。○痛風亦同治。

【產前後】 【經閉】 【血塊】 【半產】 【漏下痛】 【衄血】 【吐血】

【男女諸血證】

孕婦產前。常宜服當歸散。○如產前大便硬者。間致難產。宜當歸散下解毒丸。○如產後血暈。及胞衣不下者。又月經不順。或有血塊下白物者。並皆同治法。○半產及漏下不止者。以當歸散溫酒調下。○凡男女諸血症。宜當歸散解毒丸兼服。

當歸散

當歸 芍藥 各三錢

芎藭

牡丹皮

甘草 各二錢

茯苓 四錢

右六味。爲末。

【小兒五癰】 【驚風】

小兒病多難辨別。然癰證最居多。常宜用疳蟲丸。以是治百病奏功者過半矣。○又驚風發熱。手足動搖。筋惕肉瞤者。屬發陳湯症。用此兼下疳蟲丸可也。○如角弓反張。欲卒死者。宜急用玉丹。○凡小兒素有胎毒。加以飲食過度。因循而食與毒停畜而成病者。宜時時以玉丹下之。疳蟲丸

木鼈子 大黃

各三錢

藜蘆

一錢五分

右三味爲末。神麴糊爲丸。黍米大。

【癰癤】

此證世爲難治。然是水毒之變病也。理中散疳蟲丸。交久服而全愈。

【瘡毒家】

諸腫毒。頑瘡。無名惡瘡。俱皆宜排膿散。○熱甚者發陳湯。惡寒甚者救疔飲。須量病熱兼用解毒丸。○瘡家用諸藥無效者。用治瘡丸一劑。繼以玉丹下之。其他諸惡瘡毒結毒等。醫治無驗者。治瘡丸尤神效。○如瘡毒入裏。骨節疼痛。或振振惡寒者。宜救疔飲。榮陽湯。間與玉丹以取下必愈。

排膿散

反鼻 鹿茸各二錢

鼯鼠二錢

土茯苓五錢

右四味爲散

【發狂】

發狂者宜玉丹瀉心圓。○如口舌乾燥者容平丸解毒丸兼服。○如病勢盛者以甘草湯煎汁下容平丸數錢。○如大便漆黑者宜用順氣丸。

【痘瘡】 【麻疹】

初起宜用發陳湯。瘡已出者兼用解毒丸。皆當從外證求治方。○熱毒甚難救者與瀉心圓。○瘡黑陷者以紫萸自然汁下治瘡丸。

眼疾

眼疾有顛科而先哲既備載各冊或爲一百六十證或爲七十二證以論之獨明傳仁宇著審視瑤函定爲一百有六證而其所論按候察法覽形辨色詳悉無遺又鉤割針烙之治藥劑補瀉之法縷晰森森以鏡其要業斯道者不可不讀者也。在本邦亦精其治術者往往有焉。或針瞳子而出膿或刺眼胞而放血或浸銅器於鹽湯以熨眼內或灸眼珠等之事最能工其術有志之士宜就而學焉。余非專科則未敢究其術。今舉所經驗方一二以與衆俱云。

加減四物湯 目疾外障通治之劑

當歸 川芎 芍藥 薄荷 荊芥 菊花 白芷 細辛

黃芩各中 甘草下

右十一味水煎服

洗眼方

荊芥 防風 蔓荊子 菊花 紅花 薄荷各等分

右煎湯先熏後洗

掃紅煎出諸示吉 治時眼紅腫痛爛方見諸科 醫外治 雜錄四卷

眼胞廉爛甚者加艾葉菊花其效如神

木賊煎 小兒胎受熱毒生下兩目不開者此方神效見丹溪醫案

燈心 黃連 木賊 秦皮 棗肉各五分

右以水二盞煮取一盞頻頻洗之乃開

明目膏 治一切目疾赤腫疼痛羞明難開者又小兒初生眼胞脹起閉

而不開者點藥於筆頭入眼內則二三日而必效但要入藥於深淺則

無效

硼砂 海螵蛸 煨甘石各十錢 龍腦一錢 辰砂八分

右乳鉢內細碾數千遍用煉蜜半兩復碾勻爲膏以少許點入眼角緊

合眼而睡着極妙若症甚者加枯礬少許

灼明煎 治諸般眼疾。赤腫生翳肉。疼痛甚者神效。

胆礬_下

白礬_下

芍藥_中

黃連_中

杏仁_中

蔓荊子_中

荊芥_上

右煎湯頻熏洗。累試累效。

撞刺生翳。或刺痕傷損。血流出。遂生血翳。或疼痛難忍者。宜用充蔚子散。外以老石散點眼內殊效。

充蔚子散

充蔚子

防風

川芎

玄參

桑白皮

桔梗

知母

藁本

白芷_{各一錢}

細辛_{半錢}

右每服三錢。水煎溫服。如熱甚者。加大黃芒硝。痛甚者加香附子。

老石散

天石_{二錢}

蛇骨_{二錢}

虎肉_{一錢}

蔓荊根

搗取汁細細濾淨日晒乾

一錢。舊家名曰老石。

右極細末。乳汁和勻入眼內。

洗爛弦風赤眼方

_{審視}

其效如神。此藥人家不可少。無目病則以施人。價

廉工省。濟人甚便。

苦參_{四錢}

五倍子

荊芥穗

防風

黃連_{各三錢}

銅綠_{五分}

右爲細末。外以蘇薄荷煎湯。丸如彈子大。臨時用。以熟水化開洗眼。每日三次。立愈神效。

全目飲 石室秘錄 目痛常治方。

白芍 錢三

白蒺藜 錢二

甘菊花

當歸

柴胡

荆芥

防風

半夏 錢各一

甘草 錢五

梔子 錢二

右水煎服二劑即愈。若不愈。宜合常而思變也。

乳香定痛散 乾坤生意

治暴赤眼疼痛不可忍者。初發眼後用神靈散鼻內吹。

當歸

川芎

芍藥

草龍胆

細辛

薄荷

己 各等分

乳香 半兩

別研

右咬咀每服五錢水二鍾煎至一鍾去滓溫服。

神靈散

煅硝 二兩

黃丹 錢五

雄黃 錢三

沒藥

乳香 各一

錢

右爲細末口含水用管鼻內搐之。

升麻葛根湯 李東壁云。治陽氣鬱遏。及元氣下陷諸病。時候赤眼。每有

殊效。周嘗治時候赤眼。寒熱頭痛者。加菊花細辛。多取奇效。

分心氣飲加菊花 治婦人諸氣不和。經行不順。微惡寒。眼赤爛者。

八物湯加菊花夏枯草蔓荊子 治內障。久服見效。

明目地黃丸 治腎虛目昏。

熟地 二兩

山藥

山茱萸

丹皮

歸尾

五味子

柴胡

各五錢

茯苓

澤瀉 各二錢半

右爲末。煉蜜丸。朱砂爲衣。

梅瘡餘毒攻眼

清上丸 治瘡毒害眼者。

竹茹

錢二

輕粉

錢一

大黃

黃連

黃芩

各二錢

右爲末。糊丸。赤小豆大。辰砂爲衣。每早午時黃昏。空心並以十五粒白湯送下。

敗毒散倍薄荷加天麻 治濕毒侵眼。生赤脈。白睛。肉。或疼痛者。

內疎黃連湯

審視

治諸瘡毒。皮色腫硬。發熱作嘔。大便結而脈洪實者。攻

及兩眼。或一目赤痛紅腫并治。

黃連

炒梔仁

黃芩

當歸身

桔梗

廣木香

檳榔

赤芍藥

甘草

蘇薄荷

各八分

製大黃

連翹

各二錢

右剉。白水二鍾。煎至八分。去滓。食遠服。

還陰解毒湯

同上

治梅瘡餘毒未清。移害於肝腎。以致蒸灼。神水窄小。兼

赤絲。黑白混濁。不清。看物昏眊。不明。

當歸

酒洗

川芎

生地黃

金銀花

去葉

連翹

黃芩

酒炒各五分

黃連

酒炒

苦參

各一錢

土茯苓

細甘草

各五分

白芍藥

酒洗

麥門冬

去心

玄參

各一錢

右剉。白。水二鍾。煎至八分。去滓。溫服。

澤醫治烏睛生白星

一老嫗曰。妾壯歲患眼疾。遠內外施治。痛楚一定。忽烏睛生白星。累月不去。百方無效。有一澤醫教曰。以兔屎細末。盛青絹袋。熱湯浸。頻頻熏洗之。則當失矣。乃如法行之。而全愈。予頃讀審視瑤函曰。廣陵甘棠鎮王海明子。痘後睛珠突出。偶一客見之。告曰。此目有一藥可治。不知能得否。詢之。乃胎兔也。其父遍覓得之。按方炮製。藥盡而目收。余推幼幼之心。故廣其傳。周按古方有兔血丸。兔頭煎湯。皆稀痘妙藥。又本草引蘭氏經驗方云。治痘後目翳。用兔屎二七枚。以雌雄檳榔各一枚同磨。井花水調服。百無一失云云。夫兔屎治目疾如此。因併記。

風眼經驗方

風眼初起。疼痛太甚。脈浮大有力。先與荆防敗毒散。次宜用防風通聖散。主之。或將紫圓取一下。須臨證消息矣。又有淋疾熱毒上攻。發于眼目者。其證與風眼一般。但脈沉爲異也。宜以防風葛根羌活之類爲主。若誤用防風通聖散等。瀉下之劑。則必失明。慎之。

痘毒入眼

治痘毒入於目之法。痘科諸書詳載之。亦何贅矣。然予有一訣。凡痘當膿膿收靨之時。眼一旦開而復閉者。必毒害乎眼也。此症候自益出者。不失

明矣。若乾枯無淚者，多致失明矣。治之之法，外宜以柳蠶蟲數個，搗如泥絞取汁，頻灌眼內。別以白芥子散貼足心。內宜服清上防風湯，兼用望月砂散兔糞丸。百發百中，累試累驗。

白芥子散

白芥子^上 阿膠^下

右研細末，米糊調，毒入於左眼者，貼右足心，入於右眼者，貼左足心，七八日而必效。

清上防風湯

防風 黃芩 黃連 梔子 桔梗 白芷 枳殼 荆芥
連翹 薄荷 川芎 甘草

右十二味，水煎，或加兔屎。

望月砂散

谷精草 蜜蒙花 蟬退^{去翅足各五錢} 望月砂^{炒一兩}

右爲細末，每服五分，白湯下。

兔糞丸

兔糞炒乾爲末，蜜丸棗豆大，每服二三十九酒下。

眼胞痰核

丹溪心法曰。眼胞疲核。結于上下眼胞。皮裏肉外。其形大者如棗。小者如荳。推之移動。皮色如常。硬腫不疼。由濕痰氣鬱而成。外用天南星蘸酢磨濃。頻塗眼皮。日數淺者即消。日數深者。雖不能即消。常常塗之。塗令皮薄。微微剝損。以手指甲擠出。如白粉汁即消。

微瘡經驗治方

余曩著微瘡新書。已布于世。距今十餘年。其間經驗頗多。因采摭以舉左方。

凡患下疳便毒者。其脈必沈細也。便毒發於右。則右尺脈沈細也。發於左者。左尺脈沈細也。

凡疳瘡以不痛爲常。爲易治。痛者爲變。爲難治。龜頭或稜後發瘡。其形圓凹而淺者。易治。又自稜後凹處。引莖發瘡。形細長而淺者。次之。又瘡發稜後凹處。回莖橫長者。腐潰速而逆證也。邦俗謂之創首下疳。

微瘡痛甚者。用通聖散加苦參一錢。外以藥炷散敷患處。一日而痛失如神。內經諸痛爲火。故以寒藥收效。

微瘡發偏身者。宜浮萍通聖散。兼用沈香化毒丸。即瘥。○如發砂仁瘡者。却不易治。宜用加減化毒丹。

疳瘡腐爛色赤。中心稍高起者。以浮萍通聖散。合大黃牡丹湯主之。兼以

沈香化毒丸一錢二分。冷水吞下。○如疼痛者。貼當歸膏。○如膿汁出多者。貼辰砂膏。○如痛甚者。用通聖加苦參湯。如前法。或以黃柏。石膏。鉛丹。各三四錢。水煎。候冷盛器。蘸陰莖。其效如神。

結毒筋骨疼痛者。與沈香化毒丸。歷五日而痛益甚者。其愈必速也。十日許而安。○如歷五六日。依然而疼痛如故者。其愈必遲。不歷二旬許則不見效。

下疳。微瘡腐爛。積月累歲不差者。宜與加減化毒丹。

一種有陰莖皮弛。裹稜不脫。稜後凹處潰爛。莖皮腫起。馬口膿出。邦俗謂之囊下疳。又龜頭潰膿。漸漸延及於莖。潰爛不止者。世亦謂之蠟燭下疳。即蠟燭發又咽喉潰爛。或穿孔者。謂之喉穿。即喉癰並皆重。若莖中痛甚者尤重。非用大化毒丸。則不能奏效也。然此證甚稀。

患微瘡下疳瘡者。誤早服輕粉粉霜。後變致頭痛或耳鳴等症。久久不愈者。宜拔毒丸。方見前瘡秘錄

服加減化毒大化毒等丸者。當大便日二三度下利。此爲常候。或歷四五日。猶秘結者。儘亦有焉。不可慮。必當忽然下利七八行來。得下利則須知其愈在近也。

病者已服輕粉。口舌糜爛者。以鷄卵一枚碎攪化含嗽。若重者。以柘榴皮

三四錢水煎。頻頻含嗽必愈。

便毒初起者。宜用牛蒡芽連湯。有神效。

結毒筋骨疼痛者。將防己排毒劑。下二葛四黃散。屢有得奇效。

浮萍通聖散。即防風通聖散。加浮萍一錢。方見前

藥無散。治微瘡下疳疼痛者。

黃蘗 石膏各一分

右細末。敷患處。

沈香化毒丸。治一切微毒下疳。及筋骨疼痛。

沈香 大黃 人參各一錢 黃蘗一錢五分 芽茶五錢 甘草五分

枯礬二錢七分五釐 白丹砂續破三分。作白四分。續骨

右細末。打米糊丸。赤石脂爲衣。每服一錢二分。冷水吞下。重者漸加至

二錢。禁烏魚獸肉。麪條油膩。糯食菓物。蔥韭牛蒡。鷄卵豆腐。飲酒房

事等件。

加減化毒丸

牛黃 丁香 猪芽各一錢 琥珀 鬱金各二錢 朱砂

雄黃 乳香 亂髮灰 白鮮皮 穿山甲各三錢

製大黃四錢 白僵蠶八錢 生生乳一錢

右爲末。用神麴末五錢打稠糊。入藥攪勻。丸如梧子大。朱砂爲衣。每早空心服七分。以人參末三分。白湯攪勻。以是送下。每晚空心服三分。以人參末三分。送下如上法。○此方骨痛者無效驗。唯用腐爛數月者尤有效。

當歸膏 治腐爛疼痛者。清血熱。又治灸瘡。

當歸 地黃各三錢 白蠟七錢 麻油四錢

以當歸地黃入麻油中。鐵銚內煮。候歸地枯浮油面去渣。下白蠟溶化。將細布濾去滓。聽用。

辰砂膏性冷 治疳瘡。拔濕毒。止水汁多出。去血熱甚妙。

黃蠟四十錢 椰子油十錢 猪脂十五錢 麻油夏四十錢 冬五十錢

右四味。以文武火煮片時。細布濾去渣。更將血竭七錢 鉛丹四十錢 辰砂三錢 細末。微微加攪和。貯磁器。聽用。

大化毒丸

卽加味化毒丹。用白丹砂二錢。加入人中白。神水。金頂硫。宜與最毒藥同用 牛蒡芩連湯 治魚口便毒如神。

黃芩酒製各二錢半 黃連酒製各二錢半 桔梗 石膏各一錢半 連翹 玄參

牛蒡子炒各一錢 大黃酒 荊芥 防風 羌活各二分 甘草一錢

每服四錢。加生薑三片。水煎服。或加奇良二錢。

防己排毒劑。治結毒筋骨疼痛。不能步履者。

茯苓 獨活^上 桔梗 川芎^中 枳實^中 柴胡^中

防己^上 甘草^下 生薑^下

以水二合。煮取一合。溫服。

二葛四黃散^{見發瘡新書} 此方治結毒筋骨疼痛之神方。然數日與之。則以口

中糜爛。患者或畏之。是以用此方三日後。間服通聖散末二日。而復與此藥。則無有口中腐爛之患矣。凡用化毒丸之類。亦復然。但將通聖散作丸耳。此一大祕事。不可與俗人語也。

製生生乳簡便法

微瘡祕錄所載。製生生乳法中。曰羊城礬。曰八卦爐之類。不能詳何形狀。又雖言三香足離火。其香之長短大小。亦不可知。且至于微微擦水於盞底等事。人往往不堪其煩。曩門人今村子正。了解簡便製法。予依其法甚易。今錄于茲。以示初學。

煅煉礬石^{十二錢} 綠礬^{十二錢} 雲母^{二錢五分} 盆硝^{十六錢} 朱汞^{九錢六分}

食鹽^{十五錢} 枯礬^{五錢六分} 青鹽^{三錢五分}

右件共研不見星。入磁器密封。二十日取出。入磁爐內。貧家所用價廉者佳。俗言斯礬吉。論非乙列。

上火藥化爲蟹目沸。則以筋攪之。不可止手。俟其凝結乾燥。離火候冷。用小新土器密蓋。收艾炷者。世俗言侵瓦。此物大抵與煙爐口相侔。以紙撚或麻線札定。如十字樣。次

以麵粉鷄子清和調爲糊。以是固濟縫合處。待乾倒安大磁盆之中心。

邦俗所稱之手水鉢也。口。寬尺許。高七八寸者妙。乃加灰於四圍。與磁爐底平等。又另於矮坐洗盆內。

邦俗所稱之手水鉢。盛水三四寸。乃安置磁盆於其心。以浸底於水中。與陳氏微攪水。於盆底者同意。

然後熾炭置磁爐底。先用文火漸漸加炭用武火。二三香足。用尋常香。黃土色者。離

火先用甘草牙皂各二錢。濃煎汁。收別器。以之灌瓦器底。埋土中一日。

夜。取來發開。則白丹砂在瓦器底裏。如束針之狀。佐陳氏法。以白丹砂厚紙裹。浸甘草牙皂煎汁片時。

取出埋土中三日夜。取來晒乾亦可。取來每兩加冰麝各七釐。辰砂九分。共研極細。外用

香一錢二分。滾水燉化。和前末研勻爲丸。每重一錢一分。外以黃蠟封

固。即名生生乳。夫陳氏製法。取白丹於上。此法取於下。其法雖殊。理則

同。學者宜察焉。

諸家經驗方

予好醫方之癖。聚諸家所經驗之秘方。無慮數百。今舉其一二。以示同志

君子。

神仙百中散 治紫赤黑白癩疾。百發百中。屢經驗無比神方。非其人勿

傳。

人參 白蛇 烏蛇 血竭 真珠各六錢

右爲細末。日用一泉。加金粉二分。白湯送下。更吞大楓子丸。

大楓子丸 十七錢

右爲末。米糊丸。無穗子大。日用三十粒。兼用白丸利腸胃。

白丸方 巴豆 四錢去皮膜入鉢乳內搗如泥

右米糊丸。作四枚。濕紙包裹。煨以紙微焦爲度。○用法壯者一日用四丸。○弱者用三丸。其欲用之。則先斷鹽二日。而早辰頓服。當大便屢下。利若利下不止。則宜以味增汁及白粥冷食即止。

震靈丸 治癰疾之神方。

大楓子 去皮五錢 天石 五錢 大黃 黃蘗 各五錢 荆芥 爐甘石 各三錢

瓠瓜 瀝存性各一錢五分 山櫻皮 瀝存性各一錢五分

右八味。細末爲丸。分作丸十圓。壹粒重一錢四分。日服三粒。白湯下。○凡服此丸。至十日。則臨臥宜服金聲散。

金聲散

大黃 十錢 川芎 八錢 蕎麥 五錢

右細末。臨臥以一錢半。溫酒送下。次早宜下玉振丸。

玉振丸

白丑

木香

川芎

各四錢

巴豆二分

乾姜一分

右爲末。薄稀糊丸。梧子大。第十一日臨臥以五分白湯吞下。與此丸之日。不可服震靈丸。

崎陽一瘍醫某。授其所秘之膏藥方於余。甚簡易。且不用獸脂。余屢試應效如神。不忍自秘。乃錄以弘傳。雖非瘍醫。家家製以常貯。宜臨時施之。跋曰。栗膏。不論癰疽發背。一切腫瘍。貼之聚毒化膿。尤神妙。已潰膿者。吸膿生肉。而腫自愈。

歷青

五十錢宜用紅毛漆

黃蠟

十錢冬月用七錢

麻油

合

先煮麻油片時許。挑貼紙以不暈爲度。乃下黃蠟歷青令溶化。攪轉。用細舊絹濾淨。納貯瓷器。隨見症宜加減。○欲令腐潰。則加巴豆。胆礬。銅綠。○痛甚者。加乳香。沒藥。○瘡痒者。加枯礬。○潰後不肉起者。加木乃伊。○新肉漸長。腐肉未盡去者。以干膚刺膏等分和勻。○腐肉漸去。新肉已長。而猶不斂口者。加輕粉。瘡久不潰。欲爲內攻者。加失寶。必兒末。過篤少許。

干膚刺膏

貼諸瘡。止痛散血熱。治丹毒打撲五痔。

白蠟

二十錢

白麻油

合

龍腦

粉錫

各四錢

先以白薇薇花四錢半。浸麻油中一宿。乃上火煮片時。濾去滓。入白蠟。

將柳木篋攪轉。須溶化下火再濾淨。更入粉錫龍腦又攪轉。納貯瓷器。
鴉僕斯膏 治下疳漏瘡。久不斂口。其他瘡瘍。桂萸難瘳者。

松脂四十錢

沒藥八錢

銅綠十七錢

乳香十錢

蜜陀僧八錢

麻油六十錢

黃蠟五十錢

豬脂四十錢

米醋一合

右前五味。極細末。先將黃蠟。松脂。豬脂。麻油。文火煮五六沸。用細舊絹濾去渣。再上火入乳香。沒藥。減火攪勻。須臾入銅綠。蜜陀僧。而後入米醋。攪轉千遍。勿止手。

密乙曜乙膏 治諸瘡瘍及濕痰結核。筋骨疼痛。肩背腰痛。

鉛丹十二錢

黃蠟二十錢

麻油一合

右先煮麻油。次下黃蠟。更入松脂。鉛丹。攪轉濾去滓。再上火。然後入少水。則忽沸溢如湧。再攪轉一饅時。候水氣去。乃收貯磁罐。

【底野迦真方】

明艾儒略曰。如德亞之西有國。名達馬斯谷。土人製一藥甚良。名的里亞加。能治百病。尤解諸毒。有試之者。先覓一毒蛇咬傷。毒發腫脹。乃以藥少許。蘸之。無弗愈者。各國甚珍異之云云。曩歲盤船齋此藥。其效能令痘瘡起脹。而此藥近盛行。醫俗往往用之。衆疾。曩予就為阿蘭學者。詢此方。秘惜不敢傳。是故以不能詳其藥性。不試之十年所。頃一醫生

自肥前州來。從予受業。渠傳其真方於予。蓋所得譚司某也。今之庸醫未詳底野。迦爲何物。而有漫稱奇藥者。豈醫之志也哉。因舉于此。以弘其傳焉。欲令天下人知其配合藥品。以臨症用之。不誤爾。此予之老婆心也。

蝮蛇 去頭尾及皮。割腹去腸。唯留心與肝。洗淨。乃石臼內搗爛。取起入鍋內。以文武火加上下。焙乾如作蒸米法。煨其精乾。復入臼中搗之。更加白蜜三倍。鍋內炒過。而後爲細末。

健地亞捺根 草名。今換用。狀主治與龍胆正同。故今用龍胆八錢。

設獨亞栗乙根 草名。今換用。的蠟矢及羅恒。今以赤石脂代之。十六錢。

安傑栗加 白芷屬。今代。沒藥 和藥稱印錫。宜搗用。八錢。石硫黃 明淨並微。

伯夫藍 四錢或七錢。桂 七錢或八錢。重樓 金線 和藥稱發屬。宜搗用。此品漢船羅。

丁子 三錢。阿片 歷定爲。佛手柑自然汁 各三錢。

右十二味。除阿片。佛手柑汁。搗餘藥爲末。而入二味。鉢內和勻。乃將杜松糕。製法見。蜂蜜。各等分。加本劑之。徐徐加之。共研勻如泥。令可丸。而釜內。

重湯煮。候和下火。冷定收貯。此方如法製煉收貯。歷一年許而後再煮和勻更妙云。

杜松糕法 杜松實 和名年獨。失即等價。一斤。搗細。好酒三升內浸一宿。次日露露。

煮取汁。

主治天行溫疫。頭痛發熱。能發汗。又能益心氣。令人安眠。或胸膈窒塞。怔忡。心氣不寧。或嘔吐下利。及諸熱凶惡證。其他疝疼積痛。和諸痛。解諸。

毒。又用痘瘡令起脹。○凡熱熾者。醋和調服。○勞瘵初起者。用此尤效。
○癩癧。瘡疾。疫疾。熱往來久不止者。燒酎或麻油勻塗背。奇效。○疔瘡。
便毒。及螫蟲。狗鼠咬傷等。亦燒酎解開。塗患處。亦貼火傷湯泡即效。
每用一錢或二錢。以醋或溫酒送下。○凡諸邪毒壯熱證。其邪火日加
者。宜和醋與之。能折其病勢。令其速解散。

亞爾牟的栗亞加方。

亞爾牟者。言賤也。蓋此方以爲貧賤者設也。

月桂

用實○和名達木或黃銅

沒藥

龍胆

馬兜鈴

各十六錢

右先以沒藥碎細。而下餘藥。共搗和爲末。加上好蜂蜜研調。上文火煮。以木條子攪。不可住手。俟如膏爲度。下火冷定。密器收貯聽用。

主治諸中毒。或蟲獸諸傷。或傳染諸病。肚腹疼痛。或搐搦拘攣。失心顛眩。每服小兒自二三釐至一分。大人強壯者。自一錢至二錢。○凡天行疫疾。瘧疾。及一切爛熱。或心胸小腹諸痛。及便毒並背脊手足硬腫等諸症。以燒酎或麻油。和勻敷之。皆悉有效。

舌疳妙方

金粉散 治舌疳如神。

硼砂

分七

白檀

分五

丹砂

錢一

烏梅

分五

鬱金

分七

金粉

錢一

右爲細末。分作紙撚六條。先入麻油於盞中。將一條浸之。點火如尋常。

燈火法。另取黑豆三合。以水三升。煮取二升。候冷定含口中。然後嗅煙。若豆汁得溫則換之。日用二條。○此方岡本朴仙秘方。而上總州圓城良庵所屢經驗。予得此方甚艱。今不吝秘公之。

骨髄

金鳳散 治魚骨髄及竹木刺神效方。

鳳仙草

花實藍根 俱燒存性

青松葉

燒存性 各等分

右細末。每服五分。溫酒送下。此方非但治魚骨髄。其他竹木金銀銅鐵等。刺身體不出者。一服見效。真絕世神方也。東都本街一藥店賣此藥。日得數千錢。

下血塊妙方

魁蛤

燒

右爲末。米糊丸梧子大。每服五十丸。數日而當下血。若塊減者。宜加生蒲黃。餌食亦宜魁蛤。藕根。

金瘡鐵扇散

洗冤錄

治刀石諸傷。起死回生。神異靈驗。難以具述。

象皮

切薄片用。小鍋焙黃色。以乾爲度。勿令焦。

龍骨

用上白者生。研。各五錢。

石灰

歷年百年者佳。

寸栢香

即松香中之黑色者。

飛礬

將白礬入鍋內。熬透。便是。

松香

各一兩。與寸栢香一同溶化。攪勻。傾入冷水。取出。曬乾。

以上六味。共爲細末。貯磁罐中。遇有刀石破傷者。用藥敷傷口。以扇向

傷處扇之立愈。忌臥熱處。如傷處發腫。煎黃連水用翎毛蘸塗之即消。
沈氏醫案云。傷處喜涼惡熱。夏月宜臥涼地。冬月忌臥熱處。傷口不必包
裹。致過煖難於結痂。并忌飲酒。以致血熱妄行。設遇傷處發腫。以鷄鵝翎
毛蘸黃連水塗之。可以立愈。至於敷藥之時。若流血乃用扇。血不流則不
扇。蓋熱血迸出。藥必隨血流去。故藉扇力使血稍涼。乃能凝結。若血不流
則不必扇也。

治療瘡神效方

此病專指十指。初指頭先作諸瘡。後始腫赤黑腐爛。痛入心是也。

杉葉芽

二錢

白梅肉

一錢

右二味細研。以水一盞拌和。以患處浸之。日六七次。其水黏而痛立止。
若指頭潰爛。露骨已欲顛落者。用後方。

閨模吉。閨兒蔑刺。

丹礬

沒藥

各等分

右二味。蜜和勻敷患處。

諸病蒸洗經驗秘方

治痛風蒸洗法

杜松

八錢

木通

五錢

荆芥

三錢

防風

三錢

右以水一升五合。煮連滓熏洗。

治諸痛蒸洗法

杜松^上

野菊花^上

鼠麴草^上

羌活^中

防風^中

細辛^下

煎法同前。一方加獨活。芍藥。桔梗。

癰疽發背。諸腫瘍。不能成膿者。以之蒸洗之。必潰而愈。

雞卵^{一枚}

麵粉^{四合}

葱白^{一把}

酒^{一合}

生薑^{切一合}

右以水五合。煮乘熱熨患處。其效如神。

治陰門瘡痒疼痛蒸洗法

艾葉^{十五七}

苦參^七

荆芥^七

防風^{五七}

地床子^七

連翹^七

右以水一升五合。煮取一升。頻熨患處。

治一切陰囊濕痒蒸洗法

陳茶^{一錢}

蒼朮^{二錢}

皮硝^{三錢}

花椒

地床子^{各一錢}

煨鹽^{半兩}

白礬^{一錢}

蒼耳子^入

右水八合。煎汁去渣。入鹽硝礬泡化。先蒸後洗。三四次絕痒。

治五痔熨藥方

忍冬

黃柏

黃連

薄荷

甘草皮^{各三錢}

葱白^{五錢}

荆芥^{二錢}

右以水一升五合。煮取一升二合。熏洗患處。

又方

蛇床子 忍冬

各四錢

黃柏

石菖蒲

甘草

各二錢

白礬

一錢

煎法同前。或加荊芥三錢。

治脫肛妙方

馬糞兩掬許。入滾湯內。攪和熏患處。則瘡痒當甚。乃傾去之。再以鷄屎一碗許。入滾湯內。蒸如前法。三四日而必愈。

治療癰妙方

治療癰破爛。連及脇腋。臭穢難聞。三五載。十數載。不愈者。藥到病起。用新出窖礬石灰一塊。滴水化開成粉。用生桐油調勻。乾濕得中。先以花椒葱煎湯。洗淨其瘡。以此塗之。不數日全愈。此法陳飛霞得一愚人。屢取奇效云。周暴歲治一老嫗。癰發結喉者。以赤小豆石灰等分細末。敷之全瘳。

牙齒疼痛

不論尋常牙齒痛。及齲齒疼痛。以速效散止痛散。擦患上止。或含丁香散亦可。此皆熱因熱用之治法也。又有酒客內熱熾。而用前方不效者。宜開笑散。又齲齒痛。用諸藥并無效者。宜取昆布上鹽胡椒大許。包裹於絹。以麻線縛于細竹條頭。蘸熱麻油中。乘熱印於齲齒白中。三兩次而痛如掃。絕妙。

速効散 治牙齒疼痛如神。

蘆薈 丁香各四分

右爲細末。敷患處。立功。

止痛散

胡椒 楊梅皮 焰硝各等分

右爲末。擦患處。則痛更甚。須臾全安。

丁香散

艾葉大塊 花椒十粒 丁子三

右三味。盛布袋。滾湯浸。須臾絞之。以患齒齧布袋。熏之。而後用藥汁含漱。

開笑散

牙茶四錢 大黃 黃芩 升麻 當歸 地黃 牡丹皮各二錢

細辛五分

右八味。以水五合。煮取三合。頻含漱。

治牙痛齩齒痛方

燕屎長夏日取之

右細末。麻油和勻。隨齒痛左右。以少許入耳中。卽愈。

治齩齒疼痛灸法

上齒痛者灸足三里下齒痛者灸列缺